



БОСНЕ И ХЕРЦЕГОВИНЕ  
Institucija ombudsmana za ljudska prava BiH

PRIMLJENO	29-04-2009	Broj priloga
Organizaciona jedinica	06-92/09	P-07/09 BL

## Preporuka

7. april 2009.

u vezi sa žalbom **Ikanović Hasnije**

Ombudsmanu za ljudska prava Bosne i Hercegovine obratila se gospođa Ikanović Hasnija zbog propusta Komisije za implementaciju člana 152. Zakona o radu Republike Srpske (Komisija) da odluči po njenom zahtjevu za ostvarivanje prava na otpremninu iz člana 152 Zakona o Radu,<sup>1</sup> iz razloga što joj je, kako navodi, od strane poslodavca nezakonito otkazan ugovor o radu.

Postupajući po žalbi Institucija se obratila Ministarstvu rada i boračko invalidske zaštite RS i zatražila informacije povodom navoda žalbe podnosioca iste, međutim Ministarstvo nije postupilo po zahtjevu Institucije. Prema informacijama kojima Institucija raspolaže Komisija još uvijek nije donijela odluku povodom zahtjeva stranke za ostvarivanje prava na otpremninu.

Imajući u vidu da Institucija Ombudsmana već duže vremena bavi problematikom građana koji se obraćaju entitetskim Komisijama koje su formirane u skladu sa Zakonima o radu (RS i FBiH), i pred kojim Komisijama postupci za ostvarivanje prava neopravdano dugo traju, neophodno je istaći da je prelazni ombudsmen u vezi navedene problematike donio Rezoluciju broj: 6/03 kojom je ukazano na neprihvatljivu dužinu trajanja postupka pred Komisijama. Nakon toga su domaći ombudsmeni, a s obzirom da se stanje u ovoj oblasti nije izmijenilo, izdali dva specijalna izvještaja u vezi primjene čl. 143 Zakona o radu Federacije BiH i čl. 152 Zakona o radu RS, kojim je preporučeno, između ostalog, da se preduzmu neophodne mjere na poboljšanju organizacionih i finansijskih potencijala Komisija za implementaciju člana 143. i 152. entitetskih Zakona o radu, kako bi se ubrzalo odlučivanje po zahtjevima. Nove žalbe ukazuju da se ni nakon donošenja Rezolucije, kao ni nakon donošenja Specijalnog izvještaja stanje u ovoj oblasti nije promijenilo.

Zapažamo da nije bilo značajnijih poboljšanja u radu Komisije za implementaciju člana 152. Zakona o radu, i pored izdavanja pomenute Rezolucije i Specijalnog izvještaja, te s obzirom da su tim odlukama već konstatovane povrede prava na rad, kršenje principa *Ex aequo et Bono* (pravde i pravičnosti), podrivanje ponovnog uvođenja vladavine prava u BiH, ovim putem to ponovo naglašavamo, te u smislu člana 32. Zakona o ombudsmanu za ljudska prava Bosne i Hercegovine<sup>2</sup> **preporučujemo** Komisiji za implementaciju člana 152. Zakona o radu Republike Srpske da **U ŠTO KRAĆEM ROKU** odluči po zahtjevu gospođe Ikanović Hasnije, te da nas o tome izvijesti najdalje **u roku od mjesec dana** od dana prijema preporuke.

Ombudsmeni:

Jasminka Džumhur

Ljubomir Sandić

SEI-Spis 5056/09

Preporuka br. P-07/09

Kopija za informaciju: Podnosilac žalbe

<sup>1</sup> Sl glasnik RS, 38/00, 40/00, 47/02, 38/03, 66/03 i 20/07, prečišćeni tekst 55/07, *vidi*. čl. 182.

<sup>2</sup> Sl glasnik BiH 32/00, 19/02, 35/04 i 32/06